

ЮРӨӨЛНҮҮД

Байгал номин далай шэнги
Оёорһоо тунгалаг,
Бархан үндэр уула шэнги
Орьёлһоо тунгалаг,
Буряад оронойнгоо гал гуламта
Бата бэхеэр түлээд,
Дааган морёо һүүлдэжэ,
Дархан солоёо нэрлүүлээд,
Хоймороор дүүрэн аша үринэрөө
Холын замда зорюулаад,
Хотоор дүүрэн адуу малаа
Хоолой дээжээр үдхөөд,
Тала нуга илгэдгүй
Таряа будаа наджуулаад,
Энхэ һайхан орондоо
Эрдэм бэлигээр түгэлдэр
Эзэн болон жаргахамнай болтогой!

* * *

Тракторнай тарьяжа,
Таряя ногоомнай ургажа байг!
Колхознай баян боложо,
Хони хурьгадынь үдэжэ байг!
Хадаараа дүүрэн хашарагтай
Боорёороо дүүрэн буруутай болог!
Ажалдаа найнаар хүдэлжэ,
Ажалай түрүүшүүл болоод,
Ашата найхан Совет ороной
Алдар солынь дэбжээжэ,
Амар мэндэ нуухамнай болтгогой!

* * *

Далайда долгигүй,
Дайдада манагүй байг!

* * *

Ажалдаа амжалтатай,
Арадтаа хүндэтэй ябагты!
Хүн зондоо туһалжа,
Хододоо хүндэтэй ябагты!

* * *

Үндэр ехэ городтоо
Үнэтэй эрдэмээ шудалжа,
Хангай ехэ городтоо
Хүсэхэн эрдэмээ шудалжа,
Улаан армидаа алба хэжэ,
Олон зондоо нэрэтэй болооройт!
Хүндэл адли хүн боложо,
Хүлэгтэл адли жороо боложо,
Арадтаа алдартай,
Зондоо суутай ябахатнай болтогой!

* * *

Үндэр ехэ тэнгэри доро,
Үлгэн ехэ дэлхэй дээрэ,
Үндэр бэхи бээтэй боложо,
Үргэн дэлюун сээжэтэй боложо,
Эрдэм номые шудалжа,
Эрхим түрүү боложо,
Олон газараар ябажа,
Улад зоноо ударидажа
ябахатнай болтогой!

* * *

Хараасгайн дуунаар бодож,
Хамаг зондоо сэнтэй жаргаарайт!
Булжамуурай дуунаар бодож,
Булга зоноор тэгшэ жаргаарайт!

* * *

Арбан табанай нарадал
Талмайран жаргагты!
Атар газарай ногоондол
Халюуран жаргагты!

* * *

Зорихон газартаа
Золтой ябаарайт!
Нанаһан газартаа
Найхан хүрөөрэйт!
Үргэн дэлхэе үгсэжэ,
Үндэр уулые дабажа,
Эндүүгүйгөөр ябажа,
Түрэхэн найхан нютагтаа
Түбэг үгы хүрөөрэйт!
Гараһан найхан нютагтаа
Гасаа үгы хүрөөрэйт!

* * *

Урин дободо гэрээ табижа,
Уужам талада малаа үдхэжэ,
Эртэ бодожо,
Орой унтажа,
Олон зоной
Ударидагша боложо,
Түмэн зоной түрүү боложо,
Ута наһатай,
Удаан жаргалтай ябаарайт!

* * *

Үндэр газарта таряа хаяжа,
Үргэн газарта адуу үдхөөрэйт!

www.nomoihan.com

* * *

Хүнэй хүбүүн
Богоһыетнай элээжэ байг!
Хүлэгэй унаган
Сэргыетнай элээжэ байг!
Баабайн гэртэ
Багша басаган түрэг!
Эжын гэртэ
Инженер хүбүүн түрэг!

* * *

Косилкоор сабшаха үбһэтэй,
Космосто гараха залуушуултай,
Далайда тамарха хүбүүдтэй,
Дайдадаа жаргаха үбгэдтэй
байгаарайт!

* * *

Үдэр бүри
Үнэтэй үгэ шагнажа,
һара бүри
һайн үгэ шагнажа
ябахатнай болтогой!

www.nomoihan.com

АНГУУШАД, ЗАГАҢШАДТА ЗОРЮУЛҢАН ЮРӨӨЛНҮҮД

Хада гэшхэхэ гэжэ
Халюу гэшхэжэ,
Буга гэшхэхэ гэжэ
Булга гэшхэжэ ябаарайт!
Боошхоор дүүрэн омолоитой,
Хадуушхаар дүүрэн хадарантай
бусаарайт!

* * *

Аян замдаа хайн,
Олзотой, омогтой ябажа,
Орон нютагаа бусахатнай
болгогой!
Ашаа хүндэ,
Аян хүнгэн байхань болгогой!

* * *

Дайнда мордохо хубуудтэ зорюульһан юрөөл

Эрхытэндэ диилдэнгүйгөөр,
Ээмтэндэ булигдангүйгөөр,
Дайгаа даража,
Дархан солоёо дурдуулжа,
Энхэ солбон
Эрьежэ гэртээ ерээрэйт!